

This is a reproduction of a library book that was digitized by Google as part of an ongoing effort to preserve the information in books and make it universally accessible.

Google™ books

<https://books.google.com>



Med. g.⁴⁰

87

4° Red gen. 67

Fries


4°

<36626383050012

<36626383050012

33

Bayer. Staatsbibliothek



D E F E N S I O
M E D I C O R
R V M
principis Auicennæ, ad
Germaniæ Medicos,
Laurentio Frisio
autore,

Si consistant aduersum me castra,
non timebit cor meum,

M. D. XXX.

I O A N N I F V C H S

iuniori, Argentorat. Philosopho atq;
Medico perspicacissimo, Lau-
rentius Frisius, S. D.

Divina decalogi lex, Exodi. 20. cap. parētes iubet venerari: quod
ego considerans doctiss. Ioannes, non solum de his, qui seminaria
ui corpora nostra propagarunt, uerumetiam de illis qui animi mo-
ribus, disciplinis atq; doctrinis informarunt, intelligēdum censeo.
Quapropter, cum animaduertissem quot probra, quot execranda
effutiantur in Auicennam parentem conuitia, diutius ferre non po-
tui: cum non minus mihi in arte medica profuerit, q̃ Hippo. Gale-
nusq;. Quibus autem armis, patri illarum uindicare iniurias, serio
se mecum cogitavi: tandem uero post uarias animi inquietudines
in mentem uenit, ut Apologiam aduersus fastidiosos hos scribere
medicellos, qui tam arroganti supercilio obducti, in bonos autho-
res friuola uoce oblatrare non uerentur: donec mihi bracteato ar-
matoq; præcinentibus tubis, laceret litterariam inire palestram: ad-
quam me iam paratū offero, si qui sunt, quibus pugandi affectus
incumbit. Eo igitur clariss. Ioannes, ut hæc quæ mihi tecū felici-
bus auspicijs exorta est amicitia, testator fiat, defensionē illam tuo
nomini dedicauit: ut parentis tui, uiri in re medica consummatissimi,
prudencia fulcitus, tua quoq; industria, qua inter ceteros Ger-
maniae Medicos polles, censor esses atq; castigatorem eorum,
quæ in hac defensioncula nostra differuimus: tandem
uero cum digna tibi uiderentur, tutor atq; defen-
sor, ut incontaminata facie in lucē prodirent,
Vale ex Diuoduro, die qua candidus Ti-
tan. xx. Leonis partem permeauit,

Anno post natum Seruatorē,
sesqui millesimo
tricesimo.



centiores quosdā Medicos, Auicen
næ calumniatores, Laurentij
Frisij defensio.

QUamuis humana ingenia, summam nostris
temporibus doctrinarum conscenderint aci-
em, tantoq; intellectus acumine sint præ-
dita, ut in nouarum rerum inuētionē, ac antiquarum
interpretationē, prorsus consummata uideantur, pue-
ricq; senes uarijs literarum disciplinis, linguarum peri-
tia, eloquentia, tum dicendo, tum scribendo lōge præ-
cellant, tantaque prudentia sint præditi, ut quemad-
modum olim Mercurius, ita & teneros, nostri seculi,
iuuenes, a Nymphis nutritos, haud inepte prædicare
quis posset. At quia sub lunari globo, nihil ab omni
parte beatū, nihil tam cādīdum, quod rubiginis ma-
cula nou sit conspersum, id unicum iuuentuti incum-
bere conspiciamus, maiorem uidelicet curam uocum,
q̃ rerum per uoces designatarum: cum nimia lingua-
rum dulcedine illecta, nil sanctum, nil uirtuosum, ni-
hilque doctum existimet, quod non a græcis, latinis
ue fucato elogio proditū est. Nolumus linguarum,
Hebraicæ, Græcæ, atque Latinæ nobilitatem flocci-
pendere, immo cum potissima ad mūsarū thālamus
sint uia, commendare: neque ornatis sermonibus bar-
bariem præferre intendimus. Bisfarium autem ele-
gantia genus magna cum laude enarrabimus.

Primum atq; potissimum, magisq; necessarium, elegantia ingenij est. Id rerum causas, rationes, atq; proprietates scrutatur, abditas quoq; superioris & inferioris naturæ vires circumquaq; percurrit: quæ cū abstrusæ sint atq; inuentu difficiles, uix tantum ocij cōsequi potest, ut alteram sibi possit coniungere elegantiam. Huic secundum genus succedit, quod solā sermonis fruitur suauitate, certisq; institutis uoces ita cōnectit, ut dulcis ex eo uerborum oriatur concentus, qui audientium animos nō modo demulceat, uerum etiam captet, atque quocuncq; uelit, dextram, sinistramue facile uertat: quemadmodum Thracius Orpheus feras cantu reflexit atq; domauit. Primum genus, naturæ interpretibus, Medicisq; necessarium. Secundum uero Oratoribus, Poëtis et causidicis. Quod autem magis expetendum, Cicero philosophus atq; elegantiarum princeps, in primo libro ueteris Rhetoricæ, docet, cum inquit. Si quis omissis rectissimis atq; honestissimis rationis & officij studijs, consumit omnem operam in exercitatione dicēdi, is inutilis sibi, & perniciosus patriæ ciuis colitur. At ne uideamur arma aduersus oratores atq; humanitatis studij cultores accinxisse, uela ad destinatum portum uertamus, pugnatu ri pro laude Medicorum principis Auicennæ, quem iuniores cōetanei nostri medicelli, ob stili humilitatem calumniari, atq; ceu prophanum idolum, contumelijs affici non erubescant: ac si uerborum ornatus, corpora male affectata, sanitati restitueret: quod tamē

ornatissimus renuit Celsus, cum dicit. Morbi non eloquentia, sed remedijs sanantur. Vidimus nuper Lugdunens. simij inuentionem in arabes medicos, Auicennam præsertim, quem libello, symphonia Galeni ad Hippoc. inscripto, stolidis conuitijs dilaniauit: oblitus quâta laude ipsum extulerit, in libro quem antea de claris Medicinæ scriptoribus, edidit: at uerba eius herent sic, ut arena sine calce in pariete, certatq; cum lusciniâ pica. Profiliierunt etiam medicinales epistolæ, Auicennam liuida manu cædentes: sed quantum nouæ eruditionis adportarint, facile ex cõsilijs earundem contuendum est: cum nihil præstent quod Auicenna non sublimius tradiderit: quas si Montagnanæ epistolij, siue consilijs (qui Auicennæ fuit imitator) contulerimus, profecto simia cernitur in purpura: uerum quidem scrupos nobis obijciunt, quorum tamē paucos enodant. Ceterum iamdudum in lucem prodierunt duo libelli, doctissimum Auicennam mordicantes, unus de serpētibus, alter errores Medicorum, inscripti: quos fructus produxerint, pio lectori diiudicandum relinquimus: utinam author ille græce & latine doctissimus, omnes medicorum errores extirpasset. Felix illa mater quæ talē nobis peperisset filiū. Sed heus heus indies atque indies errores accrescūt, et pestilētiore in re medica barbaries suboritur, q̃ Auicenna, Auerrois, Hali, Razes, Auenzoar, Alsaharaius, ac alij barbari nobis genuerint. Conspicimus in terire doctrinalem medicinā, & ab orco reuocari nu-

gamenta pernecantia. Auicenna damnatur, & Apuleij mendacia adprobantur. Utinam millesima pars uera esset, quæ per iuniores modo in lucem exiit. Experimentum rationi præferunt, quod contra Galenum est septimo Therapeutices. Esto tamen quædam uera sint, quæ periculosa tamen atque difficilia, Galenus Experimentorum primo docet, cum inquit. Et nos non laudamus hominem ignorantem artem, & habeat experimenta, quoniam uellet prodesse, & fortassis noceret. nam oportet hominem scire complexiones, causas & accidentia: quæ si ignorat, non est securus, quin plus oblit quæ prodest: & si proderit, ex fortuna eueniet. De exitiali atque truculento abusu, qui iam ferè omnibus Germaniæ Medicis peculiaris existit, sileo: cum incognitis ægroto, complexionem, compositionem, ætate, regimine atque alijs id genus, ex solius lotij inspectione, omnem ægritudinem & iudicare & curare contendunt, populumque suis uersutis captiunculis (quas cautelas uocant) non solum quæstus causa decipiunt, uerum quidem miserrime interficiunt: ut clarissime Deo optimo annuente, singulari libello propalabimus. Hanc nephandam atque immanissimam barbariem Auicenna non docuit, sed detestatus est, primo canone, Fen secunda, Summa secunda. doct. tertia, cum ait. Viæ significationis dispositionum urinæ non oportet credere, nisi conditionibus obseruatis. Recordor quod mihi acciderit, mensibus paucis elapsis, cum de cuiusdam ægritudinis cu

ra, differerem cum inflato quodam Auicennæ æmu-
 lo: qui cum ob nimiam arrogantiam, aut pertinacita-
 tem nostris autēticis noluit assentiri persuasionibus,
 inquit. Nihil mihi cum tuo Auicenna, ac si Thessa-
 lum, aut parabolanum Medicum allegassem: at Aui-
 cennæ opera tandem patiens conualuit, qui antea
 multis diebus frustra absumptis, neque Plinianis, ne-
 que Cornelianis experimētis conualere potuit. Ope-
 ram igitur impendisse non pœnitet Auicennæ, nam
 ex eo magnorum hominum gratiam consequutus
 sum. Non possumus illorum hominum importu-
 nitatem satis admirari, qui non solum egregium il-
 lum authorem iurgijs afficiunt, immo etiam ipsius se-
 quaces, uiros & doctrina & fama celeberrimos, Gen-
 tilem, Iacobum de partibus, Nicolum Florentinum,
 Hugonem Senensem, Iacobum de Forliuio, Saa-
 narolam, Guainerium, Gordonium, atque complu-
 res. Nouimus nostri etiam temporis multos præcla-
 rissimos uiros, colentes Auicennam tanquam pium
 medicinæ authorem, IOANNEM FVCHS
 seniore ARGENTORATEN. uirum do-
 ctina & ætate probatum, Vuendalinum Coron-
 bachium pie memoriæ defunctum, cui tum ingenio
 & doctrina, tum etiam moribus, pauci in Germa-
 nia Medici æquipollent: Ioannem Vuidmann, Io-
 annem Vuonneck, Ioannem Adelphum, Henricū
 Zittart Colonien. Ioannem Nidepontanum, & ali-
 os, quorum nomina bouina uix caperet membrana.

Sed de his sat est, nos ad Auicennę zoylos redeamus, obtestantes illos, ut boni authoris inscitiam nobis insinuent. Qui si linguę arabicę uilitatem nobis obijciēnt, eo q̃ cum grecę nitore discōueniat: facile respōdebimus, linguam, quātumcuncq̃ rudem impedimento nō esse, dūmodo res ipsa syncere sit tradita. Testis est Galenus tertio paruę artis, & .ij. part. apho. co. xxij. & prędictionum tertio, co. xv. cum ait, In nominibus siue uocibus tempus conterere inutile est, neq̃ Medicorum, sed Sophistarum. Et rursus libro. i. de diebus criticis capite quarto. Asini ad lyram in re medica sunt Grammatici, Dialectici, & Rhetorici. Dicimus quoq̃, Gręcos paucula tradidisse, quę nō ab Indis, Aegyptijs atq̃ Arabibus mendicarint: quod antiqui scriptores attestantur de Orpheo, Homero, Musęo, Melampode, Dedalo, Licurgo, Solone, Platone, Pythagora, Salmoxe, Eudoxo, Democrito, Empedocle, & Mose hebręo. Porphirius etiam longam scripsit epistolam Aneboni sacerdoti ægyptio, plenā grauius quęstionibus, ad omnes philosophię partes spectantibus: cui Iamblicus respondit. Sed illa sufficiant: cum his qui pauca legerunt abunde content. Sin uero Auicennam uersum in latinum a Gerardo Cremonensi, refutare prętendunt: rursus facile respondebimus: hac uidelicet barbara traductione, plures male habitos, sanitati restitutos, q̃ ornatissimis & Plinij & Apuleij experimentis, eo q̃ Auicenna, breui uerbo

rum

rum compēdio, omnia quæ ad theoricam: & praxim
spectant copiose tradiderit. Per immortalem, egrotan-
tibus nulla iucundior est elegantia q̃ sanitas. Opti-
me igitur proposito nostro quadrat sententia Lactan-
tij Firmiani libro tertio, capite primo, ita scribentis.
Simplex & nuda ueritas per se satis ornata est. ideoq̃
ornamentis extrinsecis fucata corrumpitur: mendaci-
um uero, specie placet aliena. quia per se corruptum
defluit atq̃ uanescit, nisi aliunde ornatu quæsito cir-
cumlitum fuerit atq̃ politum. Sed quid opus est pro-
lixa redargutione aduersus hos locutuleios & blatte-
rones, quos Galenus prædictionum iij, co. xv. locu-
tionis medicos appellat? Nonne res ipsa palam est,
q̃ a theologo anime salus, a iuris perito iusticia, a Grā-
matico congruitas, ab Oratore elegantia, a Musico
cantus, a Medico uero sanitas expetenda est? Et si quis
piam etiam perperam, siue inepte docuerit, nihilomi-
nus humani atque prudentis uiri est, reddere grates:
ut Aristoteles Metaphisices. ij, capite pri. adhortatur
cum inquit, Non solum autem hisce quorum opinio-
nes quispiam acceptabit, atque utetur, sed etiam hisce
qui ueritatem non penitus attigerunt, gratias habere
oportet. & hī namque aliquid contulerūt, habitum
enim nostrum excitauit atque acuerūt. Monstre
igitur quæso boni græculi, ubinam Auicennna, in
quinque suis canonibus canticisque, a uera ac doctri-
nali medicina deuiauerit, aut ubi in prolixis atque in-
tricatis Hippoc. & Galeni commentarijs quicquam

b

inuenierint, quod Auicēna non breuissima serie con-
tulerit. Salua tamen pace medicinæ monarcharum
Hippocra. & Galen. quos diuina tanquam numina
omnibus medicinæ scriptoribus præferimus, uenera-
mur, atque extollimus. Sed cum nihil nobis obijci
ent boni illi Medicelli, suspicamur eos nō modo Aui-
cennæ, uerum etiam Galeni libros, eo quo ipse insti-
tuit ordine, nūquam perlegisse, sine quo author opu-
lentissimus intelligi non uult, ut in plerisque locis atte-
stat, præsertim in fine Artis paruæ, ubi modum le-
gendi libros suos describit. Esto, q̄ nouas quasdam
gustauerint traductiones, tersiori q̄ antea latinitati
donatas, Gazæ. Leonici, Laurentiani, Linacri,
Copi, Calui, Brētj, & aliorum, utpote Aphorismos,
Prædictiones, Artem paruum, De curandis morbis,
De febrium differentiis, De affectis locis, De sanitate
tuenda, Commentarios in Apho. faxint tamen quæ-
so, ut lectionis utilitatem præcipiant, si nō alios etiam
Galenī libros prælegerint. Dicant boni uiri, quomo-
do librum de curandis morbis intelligant, si librū de
simplici medicina nō legerunt? impossibilitatem nar-
rat Galenus Terrapentices quarto, capite tertio. Qua
lege etiam intelligent librum de simplici medicina, si
tertium de complexionibus non antea obseruarunt?
Sed hos omnes non tenent libros, ea qua ipsi gaudent
latinitati donatos, antiquas quoq̄ uersiones Cōstanti-
ni, Affricani, Nicolai de Calabria, Humanj filij Ista
ac legendas non existimant, sed tanquam obscenas

reijciunt fabulas. At ipsi respondebūt, in græco hos
legimus libros. Ha ha, facile credimus, in lacerato pa-
riete. Nam pauci sunt qui græce linguæ uires intelli-
gant: multi uero, qui postquā ^{id est} depingere norunt,
esurientes græculos sese iactare nō uerētur. Profecto,
ut Galenus de cōmoditatibus Teriacę ait capite .iiij.
pauper est, qui manus illorū medicorū incurrit. Quo
fit, ut quotidie in morborum curis, non sine egrotan-
tium periculo, egrediētibz oculis aberrēt: cum aqua
inter cutem laborantes, tabidos etiā atque pituiticos,
Guaiacani potione curare præsument, & quod lon-
ge absurdius, hydropicos unguēto quo empirici gale-
licam scabiem abstergere solent, linire atq; interficere
non erubescunt. Febrientes item lauacro absq; ratio-
nis iudicio sanitati restituere conantur, quorū multi
hisce annis uitam finire. Quam clare igitur intelli-
tis græcū uestrū Galenum, uos pulcherrimi iuuenes,
in libro de curandis morbis, q̄ magna uestra elegan-
tia: cum ignoratis, q̄ in febribz balneum non confe-
rat, nisi tres obseruētur cōditiones. Prima, ut sine hor-
rore sit febris. Secūda, ut nulla pars principalis sit im-
becillis. Tertia, q̄ multitudo crudorum humorū non
sit secūdem primas uenas. Ecce uos candidissimi do-
mini, qui de clavis fontibus bibitis, quomodo intelle-
xistis uestrum Galenū græcum? Noster Barbarus Ga-
lenus docuit nos, has febriū differentias animaduerte-
re, antequā febriētes balnearemus, facile esset, uobis
loca ostēdere. Vnicā adhuc oportet recēdere historiā,

b ij

Cum olim in ciuitate ARGENTORATEN.
habitabam, ex Italia illuc diuertebat medicinae Do-
ctor, magni inter recentes græculos nominis, Hippo-
cratem atque Galenum græcè multis prælegerat, oca-
lorum autem constitutionem edusque ignorabar, ita
q̃ collirio condensatam oculi cataractam, se curatu-
rum polliceretur: at tandem uisa a nobis manuali ope-
ratione, impossibilitatem cōfessus est, nam inter Cor-
neam & Veam in profundo oculi uidebat latere pel-
liculam, quæ nullo potuit apprehendi collirio. Nolu-
mus autem diutius aculeatos obturbare crabrones,
sed Auicennæ scripta breui Catalogo, Galeni doctri-
na approbare. Exordiamur igitur a medicinae diffini-
tione, quæ scđm Hippocratem in libro de Ventis, est
adiectio uel ablatio, secundum Galenum in parua ar-
te, scientia sanorum, ægrorum, & neutrorum, Allice-
na autem taliter diffinit. Medicina est scientia qua hu-
mani corporis nescuntur dispositiones, ex parte qua
sanatur, & ab eo remouetur, ut habita sanitas conser-
uetur, amissa quoq̃ recuperetur. En igitur bonæ græ-
cule, quis elegantius Medicinam describat. Confer
hanc medicinae diffinitionē ad librum Galeni de par-
tibus artis medicatiuæ & ad illum qui de constitutio-
ne artis inscribitur, in quibus Galenus omnes dif-
ferentias essentielles ueræ diffinitionis Medicinæ, se-
cundum antiquorum propriamq̃ opinionem expo-
nit, & uidebis (ni caliginosos habeas oculos) hac suc-
cincta uerborum compage, omnia adamussim inter-

pretata. Hinc animaduertens Auicenna, omnibus ordinem deberi, & quæ secundum ordinem fiunt (ut Aristo. de memoria) facilius recordanda, Medicinam diuidit in theoricam, & practicam. Per theoricam intinans principiorum doctrinam, per practicam uero operandi qualitatem. Cui etiam cõsonat Galenus in libro de partibus artis medicatiuæ, doct. secun. capit. secundo, cum ait. Partis artis sunt noticiæ quæ in anima nostra sunt, quas theorematata uocamus. Dehinc uero, Summa. ij. doctrinæ. ij. cap. iij. subdit, Oportet autem illa præcedere praxim. Scrutentur quæso pri medici Galenum libro allegato, & Auicennæ exordium, & abiecto rancore, syncera mente iudicent, quis compendiosius medicinam diuiserit. Quid prodest uerbosa dicacitate, artem longam, longiorem reddere? Certe Hippocrates nõ ob aliã causam aphoristice scripsit, q̃ ut prolixitatem in longa atque immensa arte euitaret.

Qua autem serie hanc diuisionem
exequatur A V I C E N N A,
paupaucis ostendemus.

R E S naturales primum aggreditur, elemēta, complexiones, humores, membra, operationes, uirtutes & spiritus. Quam docte autem de elementis scripserit, facile contuendum, cum nucleum apud Hippocratem & G A L E N V M durissimo cortice occlusum, adaperuit. De complexionibus nihil est apud

prolixum Galenum, quod Auicenna paucis nō comprehendat. Diffinit complexionem, diuidit, subdiuidit, quid æquale, & quid inæquale, ad pondus & ad iusticiam dinumerat: complexionis ad complexionē comparationem declarat erga membra, regiones, climata, alia animantia: in numero quoq; cum Galeno sentit, quot cōplexiones sint nomine: tandē uero singillatim omnium membrorū humani corporis complexionēs exponit, & quicquid huic adhæret negocio, utpote, ætates & reliqua, splendido ordine absoluit. Hinc humores, eorum ortum, modos, qualitates & utilitates explicat. De hinc membrorum omnium differentias, naturas & operationes, unā cum totius anatomiae, siue sectionis doctrina, copiose atq; ueraciter præstat. Virtutes & operationes, ac reliqua illis annexa, primi canonis prima Fen, breui, tamē consummatissimo sermone concludit. Succedit Fen secunda, quæ res contra naturam, morbum, causam & accidens interpretatur: genera ægritudinū humani corporis diuidit, diffinit, atque enumerat. Subinde etiā res medias, quas usitato nomine non naturales medici uocant: accedit, aëris, temporum anni qualitates, naturas, mutationes, impressiones, nocumenta & utilitates inquirat. Locorum habitabilium conditiones scrutatur. Motus & quietis, somni & uigiliæ actiones contemplatur. Sequitur deinde eorum quæ comeduntur & bibuntur ratio, Aquæ uirtus, quid retentio, quid euacuatio, balneum, fricatio, Solis usus, Causæ

item calefacientium, infrigidantium, humectantium
 atque siccantium, cum reliquis adiunctis edocentur,
 Vnionis quoque solutionem declarat. Postea uero
 doloris causæ & genera, accidentium significatio-
 nes, complexionum signa, tam in sanis quàm in ægris,
 uisuum genera, urinarum colores & contenta. **F E N**
 secundam concludunt. Tertia causas sanitatis, ægri-
 tudinis & necessitatis mortis declarat. Artem præ-
 bet tuendæ sanitatis. Infantes docet lacte nutrire, &
 eorundem ægritudines curare. Hinc adolescentes in-
 struit exercitij fructum, ac reliqua quæ sanitatis con-
 cernit conseruatio. Neque senum obliuiscitur, &
 qua lege corpora parum lapsa, ne in morbos pro-
 labantur, præseruanda, uberiori quàm hic locus com-
 prehendere possit, doctrina enarrat. Quarta **F e n** ge-
 neraliter omnes absoluit medicationis modos. Ve-
 nas incidere docet, alui excrementa pharmacis ex-
 pellere, & alia id genus, quæ uix apprehendet medi-
 cus etiam si maxima. **M E D I C O R V M** euoluet
 uolumina.

S E C V N D V S canon docet experimento atque
 ratione simplicium **M E D I C I N A R V M** na-
 turas & qualitates (breuiori, non tamen modo mi-
 nori quàm **G A L E N V S**) indagare: ordine de hinc
 alphabetico singularium **M E D I C I N A R V M**
 qualitates, gradus, operationes atque proprietates
 commonstrans.

b 2

TERTIVS canon omnes agitudines describit, quę in humano corpore cōtingere possunt: earū causas docet per signa, quid pręsens & futurum indicat, & tandem artificiosas curandi methodos adiungit.

QVARTUS canon septem sibi uendicat Fen siue di-
stinctiones. Prima Febrium differentias, causas, &
curas tam generales q̃ particulares elargitur. Secun-
da de criticis diebus, deque prędictionibus tractat.
Tertia de apostematibus, siue tumoribus præter na-
turam. Quarta manuales docet operationes circa ul-
nera, ulcera, & fracturas ossium. Quinta restaurat
iuncturas dislocatas. Sexta uenena pellit, Septima
corpus decorat.

QVINTUS canon compositiones docet **MEDICINARVM**, & assueto nomine Antidotarium
appellat. Demū Cantica nihil aliud sunt q̃ aphorismi,
epilogusque eorum quę de prædictis canonibus,
tam in theorica q̃ practica, recensuimus.

Hęc est **AVICENNÆ** barbaries. Perlegi-
mus non semel **HIPPOCRATIS** libros,
Aphorismos, Prędictionum, Regiminis acutorum,
De lege, De Elementis, De natura foetus, De Aëre
& Aqua: **GALENI** item cōmentarios in Hippocra-
tē, eiusdē Microtegni, De accidētī & morbo, De cō-
plexionib, De interioribus, De utilitate particularū,

De malicia complexionis diuerſe, De ſectis, De opti-
ma doctrinatione, De partibus artis medicatiuæ, De
ſpermate, De uirtutibus naturalibus, De ingenio ſa-
nitatis, De ſimplici medicina, De alimentis, De tuen-
da ſanitate, De febrium differentijs, De anatomijs di-
uerſis, De uenæ incifione, & plures alios, quos breui-
tatis cauſſa nolumus recensere, elegantiorẽ tamen
non apprehendimus medicinam, uerũ quidem in-
genioſas atq; acutiſſimas diſputationes aduerſus an-
tiquorum erroneas opiniones apud Galenum com-
perimus. Quas Auicenna, ceterique Arabes fideli con-
ſilio perſuaſi, omiſerunt. Cunctos igitur artis medicę
ſtudioſos adhortamur, ne ſermonum fucis excæcati,
bonos authores contumelijs afficiant: ſin autem ſim-
plices eorum ſtilos legere fastidiant, linguas tamen a
uituperatione coherceant. Audiant Senecam dicen-
tem, Aurea fręna, meliores equos non faciunt. Iniu-
ſte patitur Auicenna, non ob aliam etiam cauſſam, q̃
Galenus prognotiſticationum ij. capite, infert, cum in-
quit. Medicus probus qui rē ſuam philoſophice tra-
ctat, ab æmulis patitur. Sed de his ſateſt. Nos Aui-
cennam una cum multis, tum uita tum etiam doctri-
na clariffimis uiris, tanquam medicinæ fulgidum ſy-
dus ueneramur, ad eiufque frequentē lectionem, cun-
ctos Pæoniæ artis amatores, inuitamus: Zoylorum
ictus, minus molliffima purpura formidantes, cum
authore Galeno de criſi, ſecun. capite octauo, liber

nullus, quantumcunque etiam doctus vituperatio-
nem euadere possit. Vivat Avicenna, ut
quantum eius imitatores, in eo qui
cunctos sanat languores.

A R G E N T O R A T I

apud Ioannem Knoblouchum

iuniorem. xxiii. Augusti

Anno Christi

M. D. XXX.

Bayrische
Staatsbibliothek
München

